

GJALDSKRÁ

héraðsrafmagnsveitna ríkisins í Skagafjarðarsýslu.

I. RAFORKA

Héraðsrafmagnsveitur ríkisins selja raforku í Skagafjarðarsýslu á þann hátt og við því verði, sem hér segir:

A. Lýsing.

1. Um kwst.mæli á kr. 1.30 hver kwst.
2. Um kwst.mæli á 50 aura hver kwst., auk fastagjalds af rúmi því, sem lýsa skal, er nemi kr. 6.00 á ári af hverjum fermetra gólfflatar í búðum, vinnustofum og skrifstofum, en fyrir geymslur og ganga skal greiða kr. 2.00 á ári af hverjum fermetra.

B. Almenn heimilisnotkun.

Um einn kwst.mæli fyrir alla notkun á heimilinu á 35 aura hver kwst. Auk þess skal greiða fastagjald, 5 kr. á mánuði af einu herbergi hvorrar íbúðar og 3 kr. á mánuði af hverju herbergi umfram eitt.

Til herbergja í íbúð skal telja öll herbergi, sem ætluð eru sem íveruherbergi og eldhús, en ekki ganga, baðherbergi eða geymslur. Herbergi, sem er minna en 5 m² skal reikna sem hálf, en stærra en 25 m² sem tvö. Þar sem meðalstærð herbergja í íbúð er minna en 10 m², má miða við samanlagt flatarmál þeirra, þannig að hverjir 10 m² jafngildi einu herbergi og 5 m² hálfu herbergi.

Raforku, sem notuð er við búskap, er heimilt að selja samkvæmt þessum gjaldskrárlíð. Greiða skal þá fastagjald af húsum og vélum samkvæmt reglum, sem rafmagnsveitustjóri setur.

Bráðabirgðaákvæði. Fyrst um sinn skal haga sölu á raforku samkvæmt gjaldskrárlíð B, þannig, að auk fastagjaldsins greiðist 35 aurar á kwst. fyrir fyrstu notkun, er nemi 1500 kwst. á ári fyrir eitt herbergi og eldhús, að viðbættum 150 kwst. á ári fyrir hvert herbergi umfram eitt, en fyrir notkun umfram það greiðast 20 aurar á kwst. — Rafmagnsveitustjóra er heimilt að fella þetta bráðabirgðaákvæði úr gildi hvenær sem er með þriggja mánaða fyrirvara, og skal sú ákvörðun auglýst í Lögbirtingablaðinu.

C. Vélanotkun.

Um kwst.-mæli á 70 aura hver kwst. Hafi vélarnar mjög stuttan notkunartíma á ári, má krefjast minnsta árgjalds frá kr. 130.00 til kr. 150.00 á hvert uppsett kw. vélanna.

D. Hitun.

1. Um kwst.mæli á 12 aura hver kwst., enda sé þá minnsta notkun 6000 kwst. á ári. Notkun umfram 10000 kwst. greiðist með 10 aukum hver kwst. Sala á raforku samkvæmt þessum gjaldskrárlíð er háð því skilyrði, að straumurinn sé rofinn í allt að 3 klst. á dag á tímum mesta álags um hádegis og síðdegis, en eigi lengur en 1½ klst í senn. Rafmagnsveitustjóri ákveður lokunartíma hjá hverjum notanda.
2. Um kwst.mæli á 5 aura hver kwst. til næturhitunar, enda sé þá straumurinn rofinn frá kl. 8.30 til 22.
Önnur skilyrði fyrir raforkusölu til hitunar:
 - a. Að vélaafl, línur og spennar þoli álagið að dómi rafmagnsveitustjóra.

- b. Að klukkurofar séu fáanlegir og notandi kosti tengingu þeirra og greiði leigu af þeim samkvæmt reglum, sem gilda um leigu mæla.
- c. Að hitalagnir, þar með talin öll tæki, séu gerðar samkvæmt fyrirætlum héraðs-rafmagnsveitna ríkisins, ofnar fasttengdir með sérstökum rofum og hitastillar notaðir.

78
26. apríl

E. Önnur raforkunotkun.

1. Raforku til suðu má selja til gisti- og veitingahúsa, sjúkrahúsa og annarra slíkra staða á 30 auru hver kwst., enda sé notkunin mæld um sérmæli og suðutækin fasttengd.
2. Til nota um vinnulagnir við byggingar, meðan á byggingu stendur, um kwst.-mæli á 70 auru hver kwst.

Alla aðra raforkunotkun, sem ótalin er og ekki kemst undir aðra liði þessarar gjaldskrár, skal selja eftir gjaldskrárlið A-1. Þegar sérstaklega stendur á, getur rafmagnsveitustjóri þó selt raforku eftir sérstökum samningi í hvert skipti, en eigi lengur en til eins árs í senn.

II. MÆLALEIGA

Rafmagnsveitustjóri ákveður stærð og gerð mælitækja, sem nota skal fyrir hverri veitu, og er sú ákvörðun skuldbindandi fyrir notandann, sem skal greiða leigu af mælitækjum sem hér segir:

- | | |
|--|--------------------|
| 1. Af einfasa mælum 30 amp. og minni | kr. 2.00 á mánuði. |
| 2. — þrífasa mælum 50 amp. og minni | — 3.00 — — |
| 3. — þrífasa mælum 50 til 200 amp. | — 7.00 — — |
| 4. — þrífasa mælum yfir 200 amp. | — 10.00 — — |

Af öðrum mælitækjum en þeim, sem nefnd eru í skránni, skal ársleigan vera sem næst 20% af verði mæltækjanna. Leigan skal innheimt um leið og gjald fyrir raforku.

III. HEIMTAUGARGJALD

Heimtaugargjald skal greitt samkvæmt reglugerð héraðsrafmagnsveitna ríkisins og reglugerð rafveitusjóðs Skagafjarðarsýslu.

IV. OPNUNARGJALD

1. Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veitu, skal taka gjald fyrir enduopnun 20 kr.
2. Ef fundin eru óleyfileg eða of stór vör við skoðun, skal veitunni lokað tafarlaust, og verður hún ekki enduopnuð fyrr en notandinn hefur greitt umboðsmanni héraðsrafmagnsveitna ríkisins 20 kr. gjald. Gjaldið skal greitt á aðsetursstað umboðsmannsins.

Gjaldskrá þessi staðfestist hér með samkvæmt vatnalögum nr. 15 20. júní 1923, og raforkulögum, nr. 12 2. apríl 1946, til þess að öðlast gildi þegar í stað, og birtist til eftirbreytni öllum, sem hlut eiga að máli.

Atvinnumálaráðuneytið, 26. apríl 1950.

Hermann Jónasson.

Þorv. K. Þorsteinsson.